



Te Ao Taurikura

He kaupapa tēnei mō ngā uri kei ō tātou kura ā iwi katoa, tau 1 tae noa atu ki te tau 13.

Ko ngā Uri te Kaupapa: Mā te kaupapa “Te Ao Taurikura” nei e wana ai, e ngākau whitawhita ai, e kohara ai ngā uri ki te aro mā te aro ki tētahi horopaki nui whakaharahara ki a rātou.

Kei ngā uri te mana ki te whakatau i te horopaki, taiao mai, whānau mai, hākinakina mai, hangarau mai, te aha atu rānei. Heoi, ko te mea nui ko te hua o ā rātou mahi ka tautoko i “ētahi atu tātanga, i tētahi atu kaupapa rānei” e taurikura ake ai tō rātou ao. Mā tēnei kaupapa e whai kiko ai te kōrero a Te Puea, “mahia te mahi hei painga mō te iwi”.

Te Whakakitenga: Ka tū tētahi hui ā motu ā te Noema o te tau 2024 mō ngā uri kua tutuki pai i a rātou ā rātou kaupapa “Te Ao Taurikura” e rangona whānuitia ai te mahi rangatira kua oti i a rātou, e kawea tonutia ana rānei e rātou. Hei te Noema o te tau 2025, whakatūria ai e Ngā Kura ā Iwi tētahi hui rangatahi mō ngā uri taketake “o te ao” me ō tātou uri anō hoki, e pai ai tā rātou whakaatu i ngā mahi rangatira e kawea ana e rātou e taurikura ai tō rātou ao.

Whakapiripiri Mai: E tono ana ki a koutou ngā tūmuaki, ngā kaiwhakahaere kura, ngā kaiako hoki e tiaki ana i ngā tamariki nohinohi, tae noa ki te hunga tiaki uri tau 13, kia tae mai ki te hui ki Rotorua e aro ai tātou ki te kaupapa “Te Ao Taurikura” nei me tōna tukanga “Whakaea Tumanako”, hei tautoko, hei whakapakari i ngā uri ahakoa te horopaki.

Ko te “Te Ao Taurikura” nei, e aro ana ki ngā uri me te whakahanumitanga o te;

- **Ngākaunui o ngā Uri:** Kia wana, kia ngakau whitawhita te uri i te mea e aro ana ia ki tētahi kaupapa nui ki a ia.
- **Tuku Manaakitanga ki Ētahi Atu:** Ko te hua o āna mahi, o tōna ngakau whitawhita ka riro ki ētahi atu tangata, ki tētahi atu kaupapa rānei.
- **Matatau ki tētahi Tukanga “Whakaea Tumanako”, “Whakatutuki Kaupapa”:** Ka mau I a ia ēnei pūkenga, tēnei māramatanga hei tautoko I a ia ki anamata, ahakoa te kaupapa.
- **Rongo i te Reka** o te Whakaea Tūmanako, o te Whakatutuki Kaupapa: Ka tutuki I ngā uri tetahi kaupapa whakahirahira, ā, mā rātou hoki tana kaupapa e kōrero hei akoranga mā ētahi atu, hei whakaweawe hoki i ētahi atu

Ko Te Ao Taurikura e ngunguru nei, hi au, au , aue ha!

Nā

Watson Ohia

Pou Kōkiri – Ngā Kura ā Iwi o Aotearoa